

**JU ZAVOD ZA MEDICINU RADA I SPORTSKU MEDICINU
ZENIČKO-DOBOJSKOG KANTONA**

Broj: 5398 /19
Zenica, 18.07.2019. godine

Na osnovu člana 69. stav 1. tačka b) Zakona o javnim nabavkama BiH („Službeni glasnik BiH“, broj: 39/14) i člana 36. Statuta Kantonalnog zavoda za medicinu rada i sportsku medicinu direktor donosi

O D L U K U
o poništenju postupka javne nabavke
usluga snimke objekata i izrade etažnog elaborata u 2019. godini

I

Poništava se postupak javne nabavke usluga snimke objekata i izrade etažnog elaborata, koji je pokrenut Odlukom broj: 4489/19 od 05.06.2019. godine.

II

Stupanjem na snagu ove Odluke, stavlja se van snage Odluka broj: 4982/19 od 26.06.2019. godine.

III

Ova Odluka stupa na snagu danom donošenja.

O b r a z l o ž e n j e

Na osnovu Sporazuma o provođenju postupka zajedničke nabavke usluga broj: 4162/19 od 24.05.2019. godine, zaključenog između ugovornih strana JU Kantonalna bolnica Zenica (u daljem tekstu Bolnica) i JU Zavod za medicinu rada i sportsku medicinu Zeničko – dobojskog kantona (u daljem tekstu Zavod), Zavod je kao ugovorni organ donio Odluku o pokretanju postupka javne nabavke usluga snimke objekata i etažnog elaborata, putem direktonog sporazuma, broj: 4489/19 od 05.06.2019. godine.

Nakon provedenog ispitivanja tržišta i u pregovorima sa ponuđačem JP za prostorno planiranje i uređenje grada „Zenica“ d.o.o. Zenica, Zavod je došao do zaključka da je dio traženih usluga ovaj ponuđač već izvršio za Zavod i to prilikom izrade detaljanog energijskog pregleda Kantonalnog zavoda za medicinu rada i sportsku medicinu (energetski audit) urađenog sa konačnim ciljem utopljanja objekta još u 2018. godini. Kako Zavod nema zaposleno stručno tehničko lice za tumačenje projektne dokumentacije niti analizu dostavljenog audita u 2018. godini, tek je u ovoj fazi konstatovano da je dio usluga čija je nabavka dogovorena kao zajednička sa Bolnicom, u cilju provođenja postupka etažiranja, Zavod već nabavio tokom 2018. godine te da dijelovi energetskog audita predstavljaju snimke objekta broj 1. stacionar i snimke objekta broj. 4 Aneks C, koje su zadovoljavajuće u smislu potreba provođenja etažiranja ovih objekata.

O navedenom Zavod je informisao i Bolnicu, i tek nakon obostranog potpisivanja sporazuma o provođenju postupka zajedničke nabavke usluga broj: 20/1-5124 od 24.05.2019., započeto je provođenje predmetnog postupka, te u konačnici Bolnici dostavljen na potpis ugovor o javnoj nabavci broj 46/19.

Zbog naprijed navedenog, obrazac za cijenu ponude je sačinjen na način da ponuđač u ponudi pod jednom stavkom iskaže cijenu usluga i snimanja objekata i izrade elaborata za objekte koji ne posjeduju već izrađene snimke, a s druge strane da iskaže cijenu samo za etažiranje za objekte čiji korisnici već imaju urađene snimke istih. Shodno navedenom, ponuđač Javno preduzeće za prostorno planiranje i uređenje grada Zenica dostavilo je ponudu broj: 03-1-6992/19 od 17.06.2019. godine.

Po zaprimanju ove ponude, ugovorni organ je donio Odluku o dodjeli ugovora broj: 4982/19 od 26.06.2019. godine i istu blagovremeno dostavio Bolnici.

Aktom broj: 20/1-6386/1 od 12.07.2019. godine, JU Kantonalna bolnica Zenica je dostavila obavijest kojom izjavljuje da odustaje od zajedničke nabavke predmetnih usluga, zbog sumnje u korektnost ovako određene cijene u ponudi, i jer je u početnim usmenim pregovorima sa Zavodom dogovoreno da će sporazumne strane snositi troškove u jednakim dijelovima.

S obzirom da je riječ o dokazanim razlozima, koji su izvan kontrole ugovornog organa i koji se nisu mogli predvidjeti u vrijeme pokretanja predmetnog postupka, JU Zavod za medicinu rada i sportsku medicinu Zeničko – dobojskog kantona kao ugovorni organ, poništava postupak pokrenut Odlukom broj: 4489/19 od 05.06.2019. godine.

Shodno svemu naprijed navedenom, odlučeno je kao u dispozitivu ove Odluke.

Pravna pouka: Protiv ove Odluke nije dozvoljena žalba.

Dostavljeno:

- 1 x JP za prostorno planiranje i uređenje grada „Zenica“ d.o.o. Zenica,
- 1 x JU Kantonalna bolnica Zenica
- 1 x Služba za ekonomsko, komercijalno i finansijsko poslovanje Zavoda
- 1 x a/a

Direktor



Dr sc. prim. Mersija Kasumović

